



UNIVERSITÄTS-  
BIBLIOTHEK  
PADERBORN

## **Flores Meditationvm**

**Bebius, Philippus**

**Coloniae Agripp., 1623**

Medit. 37. De beatitudine ac Dei visione.

---

[urn:nbn:de:hbz:466:1-59636](https://nbn-resolving.org/urn:nbn:de:hbz:466:1-59636)

7. *Iugum enim meum suauē est.* Multis de causis hoc euenit, vt onus hoc. Dei præceptorum, votorum &c. Videatur homini suauē ac leuē. i. quia Deum diligit, & est in eius gratia; cum amanti nihil sit difficile; & gratia adiuet infirmitatē nostram. 2. quia sequitur spiritum, non carnem. Spiritus enim promptus est; licet caro sit infirma. 3. quia cogitat pro hoc labore mercedem esse in cœlis paratam, dicendo cum Apostolo. *Non sunt cōdigna passiones huius temporis ad futuram gloriam.* 4. quia oculos in vitam ac passionem Christi conijcit, reputans nihil esse, quod ipse seruus, pro seipso tolerat, respectu eorum quæ Christus pro salute nostra, & Dei gloria tolerauit. 5. quia didicit à Christo, vt mitis sit, in omnibus se cum voluntate diuina conformando, & humilis corde, reputando se nō tantum has molestias & labores, quos Deus immittit, suis peccatis ac imperfectionibus meritū esse; sed etiam maiores, à quibus tamen Deus ipsum, pro infinita sua bonitate, ac cura prorsus paterna, liberare dignatus est.



MEDITATIO XXXVII.  
DE BEATITVDINE AC  
DEI VISIONE.

PVNCTA MEDITATIONIS.

*Ioan. 14. I. Non turbetur cor vestrum, creditis in Deum, & in me credite; in domo Patris mei mansiones multa sunt.*

*II. Vado*

II. *Vado parare vobis locum, vt accipiam vos ad meipsum. Ego sum via, veritas, & vita; nemo venit ad Patrem, nisi per me.*

III. *Domine, ostēde nobis Patrem & sufficit nobis. Tanto tempore vobiscum sum, & non cognouistis me? Philippe, qui videt me, videt & Patrem meum.*

DOCUMENTA.

1. **N**on turbetur cor. Homo in vera fide, Dei gratia, & pietatis cultu constans, nullam habet causam, cur turberur, etiam si multa hic pateretur; immo habet causam potius, vt gaudeat; prout faciebant Apostoli, qui virg s cæsi à Iudæis, ibant gaudentes quia digni erant pro nomine IESV contumeliam *Act. 4.* pati.

2. *Creditis in Deum, &c.* Causa præcipua turbationum nostrarum est defectus *vera ac viua fidei* in Deum ac Saluatorē nostrum, quia scilicet non cogitamus, omnia quæ nobis eueniunt, venire à patre nostri amantissimo, à quo omnia, etiam difficilia suscipienda sunt, sicut fecit Christus, qui de amarissimo passionis suæ calice dicebat Petro: *Calicem, quem dedit mihi Pater &c.* non Iudas, non Iudæi, non Pilatus dedit; sed ipse Pater. 2. non reflectimus etiam oculos fidei ad Saluatorem qui tanta pro nobis passus est; qui gratiam nobis, meruit, qui nobis affutu-

altis  
ace-  
uauē  
gra-  
tia  
qui-  
nim  
quia  
celis  
sunt  
ram  
ffio-  
quod  
orum  
loria  
mi-  
diui-  
outā-  
quos  
ectio-  
uibus  
itate,  
us est.



VII.

AC

IS.

itis in

o Pa-

Vado

rum promisit , modo ad eum recurremus , & itemus in ipso , non in nobis fundati.

3. *In domo Patris mei mansiones multe sunt.* Hac causa etiam deberet nos ad multa pro Deo ac salute nostra , toleranda excitare ; quod variae mansiones , & beatitudinis gradus in coelis sint , quos DEVS vnicuique tribuit , prout in hac vita meruerit. Itaque sicut filij huius saeculi , nunquam cessant , sed semper aspirant ad maiores opes, honores, officia , dignitates, &c. nec labores pro ijs tolerandos refugiunt ; ita nobis multo magis pro vita aeterna , & pro virtutibus , quibus ea acquiritur ; laborandum est , & in coelo Sancti differunt inter se, *sicut sol , stella, &c.* prout quilibet maiorem aut minorem gratiam ac perfectionem caritatis , in hac vita sibi acquisiuit.

4. *Ego sum via &c.* Videndum nobis, quomodo Christi vitam ac virtutes imitemur, scientes illum nobis esse propositum, tanquam exemplar, ad quod conformemur ; tanquam viam , in qua ambulemus ; non ad speciem externam simulando , sed in rei *veritate* conando , vt semper simus sine peccato, cum gratia Dei , quae est principium *vita* spiritalis , sine qua coram Deo non vivimus , & opera omnia sine illa mortua sunt. Ita vixerunt coram Deo omnes SS. & maxime Apostoli. &c.

5. *Domine ostende nobis Patrem.* Optimum desiderium nostrum est, vt desideremus. i. ex hac vita discedere , si ita expediat , vt Deum videamus , in qua visione Beatitudo nostra est,

est, & sufficit pleneq; , satiat. 2. Si hoc nondum Deo placet, rogemus, det gratiam semper cogitandi de Præsentia Dei, quod vnum est ex optimis exercitijs; & sufficit pro via, purgatiua, illuminatiua, vnitua vt tradit P. Arius & P. Rodriq. de præf. Dei.

6. *Tanto tempore, &c.* Multò magis nobis hoc Deus exprobrare posset, qui tanto tempore tot occasionib. nihil aut parū proficimus.

7. *Quicquid petitis det.* Ne desponde animam, quia Dei gratia semper potens est. Hanc à Patre benignissimo pete, impetrabis.



## MEDITATIO XXXVIII.

### DE MORTIFICA-

#### TIONE SVI.

#### PVNCTA MEDITATIONIS.

I. *Nisi granum frumenti mortuum Ioan. 12.  
fuerit, solum manet; si mortuum fuerit, multum fructum affert.*

II. *Qui amat animã suam, perdet eam; qui verò eam perdiderit, inueniet eam.*

III. *Qui mihi ministrat, me sequatur, & mecum erit &c. qui ministrauerit, honorificabit eum Pater, qui in cælis est.*